

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/61, 16.08.2019թ.

Բողոք բերող անձ՝ «Արմատրոյ» ՍՊԸ

Պատվիրատու՝ ՀՀ քաղաքաշինության կոմիտե

Գնման ընթացակարգի ծածկագիրը՝ «ՀՀԲԿ-ԳՀԱՇՁԲ-19/8» գնանշման հարցում

Գնման առարկան՝ «Փոքրաքանակ երեխաներով համալրված հանրակրթական դպրոցների տիպային մոդուլային շենքի կառուցում» ծրագրի շրջանակներում դպրոցի տիպարային շենքի նախագծման և ՀՀ մարզերի 22 համայնքում տեղակապման նախագծանախահաշվային փաստաթղթերի մշակման աշխատանքների կատարում:

Բողոքի պահանջը՝ Պարտավորեցել պատվիրատուին կայացնել որոշում «ՀՀԲԿ-ԳՀԱՇՁԲ-19/8» ծածկագրով մրցայթի «Արմատրոյ» ՍՊԸ-ին տրամադրել ժամկետ անհամապատասխանությունները շտկելու համար կամ ընտրված մասնակից ճանատել «Արմատրոյ» ՍՊԸ-ին:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ.ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

22 Գնումների հետ կապված բողոքներ քննող անձին

Բողոքարկեր՝ «Արմատրոյ» սահմանափակ պատասխանատվությամբ ընկերության Գրանցման համար՝ 88.110.00902, վկայական 03Ա072262 ՀՎՀՀ 09809552, Գտնվելու վայրը՝ ք. Սիսիան Ա. Մանուկյան 15, Տեօրեն՝ Արման Առաքելյան


Ներկայացուցիչ՝ փաստաբան Վահագն Գասպարյանից
Արտոնագիր՝ 1775, Հեռ. 096 24-44-41
Հասցե՝ ք. Երևան, Նոր Նորք, Բակուցի 3, բն. 52
Email՝ vahagn.lawyer@gamil.com
005311683, տրվ. 27.08.2014թ. 001-ի կողմից

Պատվիրատու՝ ՀՀ քաղաքաշինության պետական կոմիտե
Հասցե՝ ք. Երևան, Հանրապետության հրապարակ, կառավարական տուն 3, 4-րդ հարկ

Գնման ընթացակարգի ատարական և ծածկագիրը՝ «Փորրաբանակ Երեխաներով համալրված հանրակրթական դպրոցների տիպային /մոդուլային/ շենքի կառուցում» ծրագրի շրջանակներում դպրոցի տիպարային շենքի նախագծման և ՀՀ մարզերի 22 համայնքում տեղակայման նախագծանախահաշվային փաստաթղթերի մշակման աշխատանքները կատարում
ՀՀՔԿ -ԳՀԱՇՁԲ-19:8

15.08.2019թ.

ԲՈՂՈՔ



ՀՀՔԿ -ԳՀԱՇՁԲ-19:8 ծածկագրով որոշում համապատասխան ընդունել պարտավորեցնելու պահանջի մասին

- I. Բողոքի նախապատմությունը և փաստերը
1. ՀՀՔԿ -ԳՀԱՇՁԲ-19:8 ծածկագրով գնանշման հարցման գնահատող հանձնաժողովի կողմից 19.07.2019 թվականին թիվ 1 որոշմամբ հրապարակվել է հրավեր՝ ՀՀ քաղաքաշինության պետական կոմիտեի /այսուհետ՝ Պատվիրատու / կարիքների համար «Փորրաբանակ Երեխաներով համալրված հանրակրթական դպրոցների տիպային /մոդուլային/ շենքի կառուցում»

- ծրագրի շրջանակներում դպրոցի տիպարային շենքի նախագծման և ՀՀ մարզերի 22 համայնքում տեղակայման նախագծանախահաշվային փաստաթղթերի մշակման աշխատանքների կատարման համար:
2. «Արմատրոյ» ՍՊԸ-ն /այսուհետ նաև՝ Բողոքաբեր/ 28.07.2019 թվականին / ոչ աշխատանքային օր/ ներկայացրել է հայտ:
 3. 29.07.2019 թվականի դրությամբ Բողոքաբերը հարկային պարտավորություն չի ունեցել, ավելին առկա է եղել գերավճարներ:
 4. Հայտերը բացվել են և 1-ին տեղ զբաղեցրած մասնակից է հայտարարվել գնային առաջարկով Բողոքաբերը և առաջարկվել է ներկայացնել հրավերով սահմանված փաստաթղթերը, որոնք ներկայցվել են սահմանված ժամկետում:
 5. 13.08.2019թ. -ին Պատվիրատուն կազմել է թիվ 3-1 արձանագրությունը և մերժել Բողոքաբերի հայտը:
 6. Մերժման հիմքում նշվել է առ այն, որ 07.08.2019 թվականի դրությամբ Բողոքաբերը ունի 1.566.208 հարկային պարտավորություն , արձանագրել այլ շտկման ենթակա անհամապատասխանություններ:
 7. Պատվիրատուն շտկման ժամկետ չի տրամադրել:

II. Բողոքի իրավական հիմքերը և հիմնավորումները

Գտնում են, որ բողոքը հիմնավոր է և ենթակա է բավարարման հետևյալ պատճառաբանությամբ.

«Գնումների մասին» ՀՀ օրենքի 3-րդ հոդվածի 1-ին և 2-րդ կետի համաձայն.

«1. Սույն օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:

2. Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կերպան նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն»:

Նշված նորմերից հետևում է, որ գնում կատարելու նպատակով մրցույթ հայտարարելու դեպքում այն պետք է իրականացվի Պատվիրատուի կողմից այնպես, որ պահպանվեն մրցակցային ոչ խտրական հիմունքներով մրցույթի անցկացման պայմանները և ապահովվեն թափանցիկությունը, արդյունավետությունը:

«Գնումների մասին» ՀՀ օրենքի 34-րդ հոդվածի 5-րդ, 6րդ կետերի համաձայն.

«5. Առաջին և հաջորդաբար տեղերը զբաղեցրած մասնակիցներին որոշելուց հետո հրավերով սահմանված ժամկետում՝

1) առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը և հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները)։

2) հանձնաժողովը գնահատում է սույն մասի 1-ին կետի համաձայն ներկայացված փաստաթղթերի (տեղեկությունների) համապատասխանությունը հրավերով սահմանված պահանջներին, և հրավերով սահմանված դեպքերում ու կարգով գնահատում է տվյալ մասնակցի գնային և ոչ գնային (տեխնիկական) առաջարկի հիմնավորվածությունը։

6. Հայտը գնահատվում է բավարար, եթե սույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները։ Նման դեպքում մասնակիցը հայտարարվում է ընտրված»։

2017 թվականի մայիսի 4-ի թիվ 526-Ն որոշմամբ հաստատված «գնումների գործընթացի կազմակերպման» կարգի /այսուհետ՝ Կարգ/ 43-րդ կետի 3-րդ, 4-րդ ենթակետերի, 44-րդ, 46-րդ, 47-րդ կետերի համաձայն. « 3) էլեկտրոնային փոստի միջոցով Հայաստանի Հանրապետության պետական եկամուտների կոմիտե (այսուհետ՝ կոմիտե) հարցում է ներկայացնում առաջին տեղն զբաղեցրած մասնակցի հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների, ինչպես նաև հրավերով «ֆինանսական միջոցներ» որակավորման չափանիշի գնահատման համար սահմանված պայմանների առկայության վերաբերյալ ներկայացնելով մասնակցի անվանու մը և հարկ վճարողի հաշվառման համարը։

4) էլեկտրոնային փոստի միջոցով ծանուցում է առաջին տեղն զբաղեցրած մասնակցին առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, բացառությամբ սույն կարգով նախատեսված դեպքերի, ապրանքների գնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ։

44. Կոմիտեն սույն կարգի 43-րդ կետի 3-րդ ենթակետով նախատեսված հարցումն ստանալու օրվանից երեք աշխատանքային օրվա ընթացքում էլեկտրոնային փոստի միջոցով տրամադրում է հարցման մասին տեղեկատվություն։ Սույն կետով սահմանված ժամկետում տեղեկատվություն չտրամադրվելու դեպքում առաջին տեղն զբաղեցրած մասնակցի ներկայացրած հայտարարությունները համարվում են իրականությանը համապատասխանող։

46. Սույն կարգի 43-րդ կետի 4-րդ ենթակետով նախատեսված ժամկետի ավարտին հաջորդող աշխատանքային օրը քարտուղարն էլեկտրոնային եղանակով հանձնաժողովի անդամներին միաժամանակ տրամադրում է առաջին տեղն զբաղեցրած մասնակցի կողմից ներկայացված փաստաթղթերի պատճենները, գնահատման թերյիկների երկուական օրինակ և կոմիտեից ստացված տեղեկատվությունը։ Հայտերի գնահատման արդյունքների հաստատման նիստը հրավիրվում է սույն կարգի 32-րդ կետի 22-րդ ենթակետով սահմանված

ժամկետներում: Ընդ որում, ապրանքների գնման դեպքում հանձնաժողովը գնահատում է նաև ներկայացված տեխնիկական բնութագրերի համապատասխանությունը հրավերի պահանջներին, իսկ անհամապատասխանություն արձանագրելու դեպքում հանձնաժողովի նիստի արձանագրության մեջ մանրամասն նկարագրվում են հայտնաբերված անհամապատասխանությունները:

47. Առաջին տեղն զբաղեցրած մասնակցի կողմից փաստաթղթեր չներկայացվելու կամ ամբողջական չներկայացվելու կամ ներկայացված փաստաթղթերում հրավերի պահանջների նկատմամբ անհամապատասխանություններ, ներառյալ կոմիտեի տրամադրած տեղեկատվության հիման վրա, իսկ ապրանքների գնման դեպքում՝ նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթղթի գնահատման արդյունքում հրավերի պահանջների նկատմամբ անհամապատասխանություններ արձանագրվելու դեպքում հանձնաժողովի քարտուղարը նույն օրն էլեկտրոնային եղանակով ծանուցում է առաջին տեղն զբաղեցրած մասնակցին՝ առաջարկելով երեք աշխատանքային օրվա ընթացքում շտկել անհամապատասխանությունը: *Ընդ որում, եթե անհամապատասխանությունն արձանագրվել է կոմիտեից ստացված տեղեկատվության արդյունքում, սպա սույն կետում նշված ծանուցմանը կցվում է նաև այդ տեղեկատվությունը պարունակող փաստաթղթի բնօրինակից արտատպված (սկանավորված) տարբերակը:*

Տվյալ դեպքում Կարգով սահմանված է, որ հայտերի բացումից, առաջին տեղ ընտրված մասնակցի ընտրությունից հետո, այդ մասնակցին առաջարկվում է ներկայացնել հրավերով սահմանված փաստաթղթերը, որի հետ միաժամանակ հարցում է կատարում Կոմիտե: Ստացված տեղեկությունների և մասնակցի փաստաթղթերի անհամապատասխանության դեպքում, եթե անհամապատասխանությունը կապված չէ հայտի ապահովման կամ գնային առաջարկի հետ, կրկին Պատվիրատուն առաջարկում է վերացնել թերությունները: Ընդ որում Կոմիտեի կողմից ստացված տեղեկության անհամապատասխանության դեպքում Պատվիրատուն պարտավոր է համապատասխան փաստաթուղթը ուղարկել մասնակցին:

«Նորմատիվ իրավական ակտերի մասին» ՀՀ օրենքի 32-րդ հոդվածի 4-րդ կետի համաձայն. «Եթե ժամկետի վերջին օրը ոչ աշխատանքային օր է, ապա ժամկետի ավարտի օր է համարվում դրան հաջորդող աշխատանքային օրը»:

Սույն գործով Պատվիրատուն հայտի մերժման հիմքում նշվել է առ այն, որ 07.08.2019 թվականի դրությամբ Բողոքաբերը ունի 1.566.208 հարկային պարտավորություն, արձանագրել այլ շտկման ենթակա անհամապատասխանություններ:

Տվյալ դեպքում Բողոքաբերը հայտը ներկայացրել է 28.07.2019 թվականին, որը հանդիսացել է ոչ աշխատանքային օր, իսկ հաջորդ աշխատանքային օրվա տվյալների համաձայն Բողոքաբերը հարկային պարտավորություններ չի ունեցել, այսինքն Պատվիրատուի այն պնդումը, որ 07.08.2019 թվականի դրությամբ Բողոքաբերը ունեցել է պարտավորություններ անհիմն է: Բացի այդ նկատի ունենալով, որ հայտերի ներկայացման օրը ավարտվել է ոչ աշխատանքային օր պետք է հաշվարկել հաջորդ աշխատանքային օրը, ըստ հաշվարկի:

Այսպիսով, Պատվիրատուն սահմանափակված լինելով ՀՀ կառավարության որոշմամբ նախատեսված ժամկետներով չի պահպանել դրանք, որի արդյունքում պետք է վերջինիս պարտավորեցնել ընթացակարգը չեղյալ հայտարարել, ուստի խնդրում եմ բողոքը բավարարել:

III. Պահանջք.

Խնդրում եմ

Պարտավորեցնել պատվիրատուին կայացնել որոշում ՀՀՔԿ -ԳՀԱՇՁԲ-19/8 ծածկագրով Լրցույթի «Արմատոյ» ՍՊԸ-ին տրամադրել ժամկետ անհամապատասխանությունները շտկելու համար կամ ընտրված մասնակից ճանաչել «Արմատոյ» ՍՊԸ-ին:

Կից ներկայացվում է՝

1. Պետական տուրքի անդորրագիրը.
2. Լիազորագիրը, արտոնագրի պատճեն

Հարգանքով

Ներկայացուցիչ



Վ. Գասպարյան